



Broj: 01/1-02-3399/18
Breza, 27.12.2018. godine

Z A P I S N I K

Sa DVADESETPETE REDOVNE SJEDNICE Općinskog vijeća održane dana 26.12.2018. godine sa početkom u 16,30 sati u prostorijama Općine Breza- Sala Općinskog vijeća.

Sjednicom je predsjedavao predsjedavajući Općinskog vijeća Jusić Vedad.

Po izvršenoj prozivci konstatovano je da sjednici Općinskog vijeća prisustvuje 18 vijećnika.

Opravdano odsutan Salčinović Fikret a kašnjenje su najavili vijećnici Bajrić Fetah i Selma Beširević.

Osim vijećnika sjednici Općinskog vijeća su prisustvovali: Općinski načelnik Munib Zaimović, pomoćnici Općinskog načelnika: Smajila Omerhodžić, Meliha Beširević, Salih Hasanspahić, Herco Huso, predstavnik firme „Firing“ d.o.o Visoko Melina Karamehić, predstavnik Etičkog odbora, predsjednici političkih partija te predstavnici medija.

Predsjedavajući Općinskog vijeća upoznao je vijećnike da je održan sastanak komisije za Statut i propise i komisije za Budžet i finansije te su mišljenja dostavljena vijećnicima. Također je vijećnicima dao informacije koje su stigle na ruke predsjedavajućeg a tiču se:

- Obilježavanje 26. godina formiranja 304. brdske brigade;
- Od strane Saveza Općina i gradova FBiH Prijedlog o održavanju obuke vijećnika;
- Pisma zahvale Mustafe Šabića Općinskom načelniku i Općinskom vijeću zbog donošenja Odluke kojom se mostu u ulici 6. april daje ime „Most Mustafe Šabića“.

Zatim se pristupilo razmatranju i usvajanju Zapisnika sa 24. redovne sjednice Općinskog vijeća Breza.

Primjedbe na Zapisnik nije bilo te se nakon toga pristupilo glasanju gdje je konstatovano da je Zapisnik sa 24. redovne sjednice usvojen jednoglasno sa 18 glasova ZA.

Radu vijeća priključili su se vijećnici Selma Beširević i Bajrić Fetah.

Zatim se prešlo na odgovore na vijećnička pitanja.

Vijećnica Jekalović Amina istakla je da je na 22. redovnoj sjednici postavila vijećničko pitanje na koje nije dobila odgovor te moli da isti dobije na narednoj sjednici a koji se odnosi na obnovu fasade u ulici Džemala Bijedića koju je zahvatio požar u proteklom periodu.

Vijećnik Sirotanović Arif također je istakao da nije dobio odgovore na ranije postavljena pitanja i traži odgovor na ista, a odnosi se na ažuriranje biračkog spiska i provođenje izbora.

Zatim se prešlo na postavljanje novih vijećničkih pitanja i inicijativa.

Vijećnik Bajrić Fetah pokrenuo je inicijativu da se riješi problem infrastrukture u naselju Bate a naročito rješavanje problema fekalnih voda kroz naselje Bate koje dolaze iz naseljenih mjesta Bukovik, Crema i Borak, te priprema i pribavljanje potrebne dokumentacije.

Postavio je i dva vijećnička pitanja:

- „Zašto nije raspisan konkurs za imenovanje direktora Doma zdravlja Breza, te zašto nije ispoštovana zakonom propisana procedura?“

- Drugo pitanje upućeno je Općinskom načelniku: „Da li ste legalni N.O ako nepoštujete volju onih koji su vas birali?“

Vijećnik Bašić Mirnes postavio je vijećničko pitanje koje se odnosi na problem čišćenja snijega i održavanja cesta u zimskom periodu.

Vijećnik Ahmedspahić Mirza pokrenuo je inicijativu o postavljanju kontejnera za komunalni otpad u naselju Kamenice- lokacija Prikodolica u blizini spomen obilježja.

Vijećnik Sirotanović Arif pokrenuo je inicijativu da se održi tematska sjednica na temu ažuriranja biračkog spiska i provođenja izbornog procesa. Zatim je postavio i vijećničko pitanje koje se odnosi na sječu šume na putu Slivno-Orahovo. Drugo pitanje odnosi se na čišćenje snijega u zimskom periodu u ruralnim područjima.

Vijećnik Suljagić Mirzet predlaže da koalicija potpisana na početku mandata između SBB i SDA, ukoliko ista ne postoji da SDA povuče svoje ljude sa pozicija u upravnim i nadzornim odborima kao i iz pozicija u komisijama Općinskog vijeća.

Predsjedavajući Općinskog vijeća upoznao je vijećnike da je na njegovu adresu od građana mjesne zajednice Mahala upućena peticija o postavljanju saobraćajnog znaka u blizini Osnovne škole: „Safet-beg-Bašagić“ na putu prema naselju Smailbegovići o zabrani parkiranja čime se onemogućava normalno odvijanje saobraćaja.

Predstavници mjesne zajednice Župča podružnica Vrbovik također su u proteklom periodu pokrenuli određene inicijative na koje nisu dobili odgovor nadležnih službi.

Od strane vijeća roditelja Gimnazije: „Muhsin Rizvić“ Breza pokrenuta je inicijativa o postavljanju svjetliječeg saobraćajnog znaka blizina škole, kao i mogućnosti postavljanja više pješačkih prijelaza u blizini škole.

Nakon postavljanja vijećničkih pitanja prešlo se na utvrđivanje dnevnog reda.

Predsjedavajući Općinskog vijeća predložio je dnevni red kao u Sazivu. Primjedbi na predloženi dnevni red nije bilo te je nakon glasanja konstatovano da je sa 20 glasova ZA usvojen sljedeći:

D N E V N I R E D

- 1- Aktivnosti Općinskog načelnika u periodu između dvije sjednice
- 2- Razmatranje i usvajanje prijedloga Plana zaštite od požara Općine Breza
- 3- Razmatranje i usvajanje prijedloga Izmjena i dopuna Budžeta Općine Breza za 2018. godinu.
- 4- Razmatranje i usvajanje prijedloga Budžeta Općine Breza za 2019. godinu
- 5- Razmatranje i usvajanje prijedloga Odluke o izvršavanju Budžeta Općine Breza za 2019. godinu
- 6- Razmatranje i usvajanje prijedloga Odluke o općinskim komunalnim taksama
- 7- Razmatranje i donošenje zaključka po Nacrtu Programa rada Općinskog vijeća za 2019. godinu
- 8- Razmatranje Informacije o broju upisanih učenika u prve razrede u 2018/19 i postignutim rezultatima o učenju i vladanju u 2017/18 godini
- 9- Razmatranje Izvještaja o radu udruženja građana sa finasijskim izvještajem za period 01.01-30.06.2018 godine
- 10- Razmatranje Izvještaja o stanju protivpožarne zaštite na području Općine Breza
- 11- Razmatranje Informacije o preventivnim mjerama na suzbijanju uživanja alkohola, droge i drugih opojnih sredstava mladih na području Općine Breza
- 12- Razmatranje i usvajanje Zaključka o davanju saglasnosti Općinskom načelniku o uplati doprinosa za penziono invalidsko osiguranje po zahtjevu bivših radnika javnog preduzeća „Breza promet“

Ad 1.

Aktivnosti Općinskog načelnika u periodu između dvije sjednice

Općinski načelnik u svom obraćanju je upoznao vijećnike o aktivnostima koje je vodio u proteklom periodu. Pored redovnih aktivnosti rađeno je na završetku započetih projekata kao i pokretanju i realizaciji novih projekata koji su planirani u proteklom periodu te se može sa zadovoljstvom konstatovati da će planirani poslovi biti završeni onako kako je predviđeno. Zahvaljuje se svim saradnicima kako uposlenim tako i vanjskim saradnicima. Istakao je da je na početku mandata u planu bilo pokretanje 10 strateških ciljeva te je mišljenja da su isti realizovani. Također je uputio čestitke građanima Breza za novogodišnje praznike.

Komentar na izlaganje Općinskog načelnika dao je vijećnik Buljetović Ćamil koji je istakao da je Breza grad započetih projekata. Uputio je kritiku zašto je okićen samo dio grada Breze a ne i ostatak kao i mjesne zajednice. Također smatra da komunalno preduzeće nije sposobno za održavanje trotoara u zimskom periodu obzirom da trotoari nisu nikako očišćeni.

Općinski načelnik pojasnio je kada je u pitanju čišćenje i ukrašavanje grada da se radilo u okviru odobrenih sredstava te se uradilo onako kako se moglo.

Ad 2.

Razmatranje i usvajanje prijedloga Plana zaštite od požara Općine Breza

Predstavnica firme „Firing“ Melina Karamehić upoznala je vijećnike da su u toku javne rasprave stigle dvije dopune Plana te da se u plan unese novootvoreni centar Robot kao i područje naselja Podgora što je i prihvaćeno. Drugih primjedbi nije bilo.

Učesnika u raspravi nije bilo te je nakon provedenog postupka glasanja konstatovano da je Plan zaštite od požara Općine Breza usvojen jednoglasno sa 20 glasova ZA.

Ad 3.

Razmatranje i usvajanje prijedloga Izmjena i dopuna Budžeta Općine Breza za 2018. godinu.

Predsjednik kluba SDA Mirza Ahmedspahić istakao je da ova stranka neće učestvovati u raspravi po Izmjenama i dopunama Budžeta Općine Breza za 2018. godinu a neće ni podržati isti obzirom da nije ispoštovana zakonska procedura o donošenju ovog dokumenta.

Učesnika u raspravi više nije bilo te je nakon glasanja konstatovano da su Izmjene i dopune Budžeta Općine Breza za 2018. godinu usvojene sa 13 glasova ZA i 2 SUZDRŽANA glasa.

Ad 4.

Razmatranje i usvajanje prijedloga Budžeta Općine Breza za 2019. godinu

Predsjednik kluba SDA Mirza Ahmedspahić istakao je da ova stranka u pogledu Prijedloga Budžeta uputila 10 amandmana o kojima vijeće treba da se izjasni.

Vijećnik Avdić Edin istakao je da će glasati za predloženi Budžet uz pretpostavke da se ispoštuje mišljenje dato od komisije za Budžet i finansije od 25.12.2019. godine.

Vijećnik Bajrić Fetah podržava amandmane podnesene od strane SDA. Također smatra da je krajnje vrijeme da se subvencije javnim ustanovama iskoriste za svrhu za koju su i namijenjene to jeste krajnjim korisnicima a ne za finansiranje viška uposlenih radnika. Kao primjer naveo je Centar za socijalni rad koji ima viška uposlenih te da se subvencija troši na plate uposlenih a mali dio sredstava troši se na krajnje korisnike to jest socijalno ugroženu kategoriju.

Vijećnik Buljetović Ćamil smatra da je povećanje doprinosa na račun privrednih subjekata velika greška te da iste treba zadržati na dosadašnjem nivou. Istakao je da se vidi da su poreske stavke u prijedlogu veće od 20-30% te smatra da nije vrijeme za podizanje nameta

ionako opterećenom privrednom sektoru. Također se protivni povećanju paušala odnosno vijećničkih naknada obzirom da je finansijska situacija vrlo nepovoljna.

Vijećnica Jekalović Amina ispred SDP podržava prijedlog Budžeta uz primjedbe date od strane Komisije za Budžet i finansije.

Vijećnik Sirotanović Arif podržava Prijedlog Budžeta Općine Breza za 2019. godinu i predlaže da se više pažnje obrati na potrošnju budžetskih sredstava te da se to uradi po usvojenim programima utroška sredstava kao i kroz Odluke Općinskog vijeća te da se što je planirano i realizuje. U dosadašnjoj praksi uočeno je da je dosta budžetskih sredstava utrošeno mimo plana kao što je to vodovod gdje je umjesto planiranih 2 miliona utrošeno 5 miliona.

Vijećnik Kadrić Memsud istakao je da je Prijedlog Budžeta Općine Breza za 2019. godinu vizija Općinskog načelnika za narednu godinu. Traži pojašnjenje u vezi kapitalnih namjenskih prihoda.

Vijećnik Suljagić Mirzet istakao je da ovaj Prijedlog Budžeta jako specifičan i obuhvata rješavanje deficita iz prethodnih godina. U planu je realizacija započetih projekata kao što su spomen obilježje, sportske dvorane, rješavanje problema Breza-prometa i ostalih dugovanja. Osvrnuo se na amandmane podnesene od strane SDA. Konto povećanja plata ističe da se ne radi ni o kakvom povećanju plate nego se radi o usklađivanju sa zakonom propisanim koeficijentima. Povećanje vijećničke naknade može se prevazići smanjenjem broja vijećnika u radu Općinskog vijeća. Što se tiče amandmana koji se odnose na preraspodjelu sredstava sa jednog konta na druge i ističe da nema potrebe za istim obzirom da su isti planirani u minimalnom iznosu. Stranka za Bosnu i Hercegovinu podržava Prijedlog Budžeta općine Breza za 2019. godinu.

Predsjedavajući Općinskog vijeća u ime SDA dao je dodatna pojašnjenja za podnesene amandmane te da okvirni budžet za period 2018/2019 predviđa 61 zaposlenih a ne 71 kako je previđeno u novom okvirnom budžetu.

Predsjednik kluba SBB podržava Prijedlog Budžeta općine Breza za 2019.godinu uz preporuke komisije za Budžet i finansije.

Vijećnik Buljetović Ćamil istakao je da je na javnoj raspravi po Nacrtu Budžeta bio vrlo mali broj učesnika te da su javne rasprave ravne nuli i da su samo jedna formalnost a sa istim se ne postiže ništa. Još jednom moli da se ne povećavaju poreski nameti.

Predsjednik kluba SBB Bulbulušić-Muratović Nejira slaže se sa činjenicom da je odziv na raspravu veoma mali obzirom da su na istu uredno pozvani svi korisnici budžeta.

Predsjedavajući Općinskog vijeća dao je na glasanje prijedlog amandmana:

- Konto 611000 – Plaće i naknade troškova uposlenih i predlažemo da se planirani iznos od 1.718.000,00 umanji i definiše na prošlogodišnji iznos za ovu stavku od 1.409.928,00 KM. Razliku od 308.072,00 KM preusmjeriti na konto 821222 - Putevi i mostovi.

Nakon provedenog postupka glasanja konstatovano je da amandman nije dobio potrebnu većinu (8 glasova ZA)

- Konto 613975 – Izdaci za naknade skupštinskim zastupnicima i predlažemo da se planirano uvećanje od 17.000,00 KM u odnosu na prethodnu godinu umanji i definiše na iznos prethodnih godina od 60.000,00 KM. Iznos od 17.000,00 KM preusmjeriti na konto 614240 – Transfer za posebne namjene u okviru kojeg će se spomenuti iznos preraspodijeliti za potrebe subvencije prevoza učenika osnovnih i srednjih škola sa ruralnih područja općine Breza, penzionera i socijalo-ugroženih kategorija.

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Konto 613974 – Izdaci za rad komisija i predlažemo da se planirano uvećanje od 40.000,00 KM (sa 23.000 na 63.000) preusmjeri na konto 821221 – Vanjska rasvjeta, trotoari i ograde.

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Konto 613914 – Usluge reprezentacije i predlažemo da se planirani iznos od 35.000,00 KM umanju za 15.000,00 KM kako bi iznos za usluge reprezentacije iznosio 20.000,00 KM a ostatak novca od 15.000,00 KM preusmjerio na konto 614414 – Podsticaj poljoprivrednoj proizvodnji.

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Konto 613911 – Usluge medija i predlažemo da se planirani iznos od 25.000,00 KM umanju za 10.000,00 KM koji bi se preusmjerio na konto 821224 – Objekti vodovoda i kanalizacije.

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Konto 613329 – Ostale komunalne usluge i predlažemo da se planirani iznos od 30.000,00 umanju za 25.000,00 KM, odnosno da se definiše u odnosu na prethodnu godinu kada je iznosio 5.000,00 KM. Iznos od 25.000,00 KM preusmjeriti na konto 821224 – Objekti vodovoda i kanalizacije.

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Konto 613313 – Izdaci za mobilni telefon i predlažemo da se planirani iznos od 5.000,00 KM umanju na prošlogodišnji iznos od 3.000,00 KM, te da se ostatak od umanjenja tj. iznos od 2.000,00 KM usmjeri na konto 613726 – Usluge održavanja javne rasvjete.

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Konto 611221 – Naknade za topli obrok tokom rada i predlažemo da se iznos za ove potrebe definiše u skladu sa zakonom i planiranim brojem uposlenih kao u Dokumentu okvirnog budžeta 2018-2020, a to je 61. Iznos viška sredstava preusmjeriti na konto 613726 – Usluge održavanja javne rasvjete (vidjeti obrazloženje amandmana broj 7).

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Konto 821213 – Ostale građevine u smislu da se konto dodatno raščlani i da se od planiranog iznosa 400.000,00 KM jedna četvrtina tj. 100.000,00 KM preraspodijeli za potrebe kupovine zemljišta u svrhu obezbjeđenja lokacije gradskog groblja.

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Konto 990000 – Konto budžetske rezerve i predlažemo da se planirani iznos od 100.000,00 KM redefiniše na iznos od prethodne godine tj. 50.000,00 KM. Iznos od 50.000,00 KM preusmjeriti na konto 821222 – Putevi i mostovi.

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

Potom se pristupilo glasanju za Budžet Općine Breza za 2019. godinu te je nakon glasanja konstatovano da je isti usvojen sa 14 glasova ZA i 6 glasova PROTIV.

Ad 5.

Razmatranje i usvajanje prijedloga Odluke o izvršavanju Budžeta Općine Breza za 2019. godinu

Vijećnik Bajrić Fetah prokomentarisao je da ne postoji transparentnost i javnost u trošenju budžetskih sredstava. Istakao je da je više puta tražio podatke o utrošku pojedinih budžetskih stavki međutim odgovor nikad nije dobio što potvrđuje tvrdnju o netransparentnom trošenju budžetskih sredstava.

Učesnika u raspravi više nije bilo te je nakon glasanja konstatovano da je Odluka o izvršavanju Budžeta Općine Breza za 2019. godinu usvojena sa 14 glasova ZA, 5 PROTIV i jednim SUZDRŽANIM.

Ad 6.

Razmatranje i usvajanje prijedloga Odluke o općinskim komunalnim taksama

Predsjednik kluba SDA Mirza Ahmedspahić istakao je da ova stranka u pogledu prijedloga Odluke o općinskim komunalnim taksama uputila 8 amandmana o kojima vijeće treba da se izjasni.

Predsjedavajući Općinskog vijeća upozna je vijeće da je od Službe za privredu stiglo izjašnjenje o predloženim amandmanima koje je vijećnicima dostavljeno.

Zatim se pristupilo glasanju za predložene amandmane:

- Amandman broj 1.

U u dijelu odluke gdje su navedene tarife komunalni taksu, pod brojem 1. razdvojiti poljoprivrednu proizvodnju i biljna i stočarska proizvodnja, uzgoj sadnog materijala) od ostalih navedenih djelatnosti te u I i II zoni za pravna lica staviti iznos od 75 KM za fizička lica 65 KM, a u III i IV zoni staviti iznos od 50 za pravna lica i 45 KM za fizička lica. Razdvajanje je moguće izvršiti na način da se postavi kao tačka 1.1 i dalje. Na sličan način postupiti i u drugim amandmanima na nacrt odluke o komunalnim taksama.

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Amandman broj 2.

U tački 1. odluke, Tarifni broj I, potrebno je zasebno razdvojiti djelatnosti proizvodnja i izrada nakita, sakupljanja šumskih plodova, ribolov i akvakultura od ostalih djelatnosti uključujući i gore navedenu poljoprivrednu proizvodnju, te utvrditi iznos od 110 KM za pravna lica, odnosno 90 KM za fizička lica u I i II zoni, te 80 KM za pravna lica, odnosno 50 u III, IV zoni.

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Amandman broj 3.

U tački 2, odluke Tarifni broj I, razdvojiti u zasebnu kategoriju automehaničare, autoelektričare, limare, bravare, vulkanizere sa tarifama za pravna lica u I u II zoni u iznosu od 170 KM za pravna lica, odnosno 110 KM za fizička lica, a u III zoni iznos od 130 KM za pravna lica, odnosno 80 KM fizička lica i IV zoni iznos komunalne takse za pravna lica bi trebao biti 110 KM za pravna lica, odnosno 50 KM za fizička lica

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Amandman broj 4.

U nacrtu odluke o komunalnim taksama, Tarifa I, tačka 4. neophodno je razdvojiti proizvodnju osnovnih farmaceutskih proizvoda i preparata od ostalih navedenih djelatnosti u zasebnu kategoriju, te za iste postaviti iznos komunalne takse za pravna lica u I i II zoni od 3.000,00 KM odnosno 2.000,00 KM za fizička lica, te iznos od 2.000,00 KM za pravna lica i 1.000,00 KM za fizička lica u III i IV zoni.

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Amandman broj 5.

U nacrtu odluke o komunalnim taksama, u Tarifnom dijelu Tarifa I tačka 7. razdvojiti djelatnosti proizvodnje električne opreme, proizvodnja mašina i uređaja, proizvodnja hidrauličnih uređaja i smanjiti za 30% iznos komunalne naknade proporcionalno po svim zonama za pravna i fizička lica.

Nakon provedenog postupka glasanja konstatovano je da amandman nije dobio potrebnu većinu (6 glasova ZA)

- Amandman broj 6.

U nacrtu odluke o komunalnim taksama, u dijelu koji se odnosi na tarife, Tarifa I, tačka 12. potrebno je razdvojiti djelatnosti popravak i instaliranje mašina i opreme i smanjiti iznos komunalne takse za 30% za prava i fizička lica proporcionalno u svim zonama, a ostale djelatnosti smanjiti za iznos od 20%, na način kako je urađeno za prethodno.

Nakon provedenog postupka glasanja konstatovano je da amandman nije dobio potrebnu većinu (6 glasova ZA)

- Amandman broj 7.

U Tački 5. Odluke o komunalnim taksama, u tački dva iz riječi „udruženje građana“ dodati riječi „izuzev onih koji obavljaju privrednu djelatnost“, a pored ostalih navedenih subjekata koji se oslobađaju komunalnih taksi, navesti pod narednim rednim brojevima sljedeće:

5. Političke organizacije

6. Vjerske organizacije

7. Tradicionalne zanatske djelatnosti: obučari, kovači, krečari, časovničari

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

- Amandman broj 8.

Dodaje se novi stav koji glasi: „Pravno lice, obrtnik ili fizičko lice koje počne da obavlja djelatnost oslobađa se takse za istaknutu firmu za godinu u kojoj je dobilo odobrenje za početak obavljanja djelatnosti.“

Nakon provedenog postupka glasanja konstatovano je da amandman nije dobio potrebnu većinu (7 glasova ZA)

Učesnika u raspravi više nije bilo pa je nakon glasanja konstatovano da je Odluka o općinskim komunalnim taksama usvojena sa 14 glasova ZA i 6 PROTIV.

Ad 7.

Razmatranje i donošenje zaključka po Nacrtu Programa rada Općinskog vijeća za 2019. godinu Učesnika u raspravi nije bilo te je predsjedavajući Općinskog vijeća dao na glasanje sljedeći:

ZAKLJUČAK

I

UTVRĐUJE SE Nacrt Programa rada Općinskog vijeća Breza za 2019.godinu.

Po utvrđenom Nacrtu Programa rada Općinskog vijeća Breza za 2019. godinu sprovesti javnu raspravu u okviru vijećnika Općinskog vijeća, pomoćnika općinskog načelnika i predsjednika mjesnih zajednica.

II

Javnu raspravu sprovesti u periodu od 26.12.2018. do 20.01.2019.godine.

III

Za realizaciju zaključka zadužuje se predsjedavajući Općinskog vijeća, predsjednici klubova parlamentarnih stranaka, Stručna služba Općinskog vijeća.

Nakon provedenog postupka glasanja konstatovano je da je zaključak usvojen sa 19 glasova ZA.

Ad 8.

Razmatranje Informacije o broju upisanih učenika u prve razrede u 2018/19 i postignutim rezultatima o učenju i vladanju u 2017/18 godini

Vijećnik Avdić Edin je prokomentarisao učenje i vladanje učenika u osnovnoj školi te je dao komentar na procenat uspješnih učenika u osnovnim školama dok je u srednjim školama uspjeh na realnom nivou. Predlaže da u narednom periodu krenemo u programirano školovanje a ne kao sada školovanje za biro. Također predlaže edukaciju učenika i njihovih roditelja kada je u pitanju upis učenika u škole za koje će imati zaposlenje. Ističe i da nastavno osoblje mora bit u centru zbivanja svega i da vrše predavanja koja su izvodiva.

Ad 9.

Razmatranje Izvještaja o radu udruženja građana sa finasijskim izvještajem za period 01.01-30.06.2018 godine

Vijećnik Bajrić Fetah čitajući ovaj Izvještaj uočio je da ima udruženja koja su u povlaštenom položaju a ima i onih koji ne dobivaju ništa. U Izvještaju se ne vidi kriterij za dodjelu sredstava udruženjima, ne vidi se broj sportista, rang takmičenja i drugi potrebni podaci naprimjer udruženje „Brezanski rudari“ je dobilo iznos od oko 4.760,00 KM. Smatra da treba uraditi kriterije za dodjelu sredstava a ne iste dodjeljivati u paušalnom obliku.

Vijećnik Sirotanović Arif ističe kao predsjednik udruženja „Brezanski rudari“ da predstavljaju Brezu u najboljem svjetlu te svaki novčani trošak može opravdati.

Vijećnik Buljetović Čamil istakao je da dolaskom u Općinsko vijeće 2014/2015 godine za sport nije ništa urađeno i stanje sporta je još gore nego što je bilo i dolazi do gašenja klubova koji su bili simbol Breze. Općinski načelnik budžetska sredstva dijeli onako kako hoće bez kriterija te i u Prijedlogu Budžeta Općine Breza za 2019. godinu sredstava za sport planirana su u minimalnom iznosu.

Vijećnik Kadrić Memsud kada je u pitanju rješavanje problema u sportu daje punu podršku Općinskom načelniku u rješavanju finasijskih problema FK Rudar.

Pomoćnik Općinskog načelnika Meliha Beširević pojasnila je da će se ubuduće raspodjela sredstava za rad udruženja biti vršena po programu te će biti raspisan konkurs za njihovu dodjelu a biće formirana i komisija koja će pratiti potrošnju ovih sredstava te će biti sve javno i transparentno.

Sjednicu vijeća napustili Bajrić Fetah i Mirza Ahmedspahić.

Ad 10.

Razmatranje Izvještaja o stanju protivpožarne zaštite na području Općine Breza

Učesnika u raspravi nije bilo te je Izvještaj o stanju protivpožarne zaštite na području Općine Breza usvojen jednoglasno sa 16 glasova ZA.

Ad 11.

Razmatranje Informacije o preventivnim mjerama na suzbijanju uživanja alkohola, droge i drugih opojnih sredstava mladih na području Općine Breza

Vijećnik Avdić Edin istakao je da Izvještaj korektan i da je rezultat posljedica. Ističe da nema strukture pri odgoju djece. Također navodi da porodica kao osnovna ćelija društva je najvažnija u odgoju djece i djeca gledaju ponašanje roditelja a neki roditelji nisu educirani za

pravilan odgoj djece. Važan faktor u edukaciji svakako je i škola koja mora imati psihologe koji će pomoći nastavnom osoblju da prepozna učenike koji imaju date probleme. Isto tako zdravstvene službe su važne za pravilan odgoj djece a u svemu se vidi neuvezanost navedenih dijelova. Također veliku ulogu igra i nevladin sektor a u svemu tome omladinska udruženja su zakazala. Predlaže da se u narednom periodu održi tematska sjednica po ovom pitanju te da se zakaže široka javna rasprava sa građanima kako bi se ukazalo na problem mentalnog zdravlja djece.

Vijećnik Buljetović Ćamil slaže se sa izlaganjem Avdić Edina te dodaje da je ulica i okruženje također važno u odgoju i ponašanju djece te ističe kako bi preventivno u ovom segmentu mogla da djeluje policijska stanica.

Vijećnik Kadrić Memsud ističe da se ovi problemi pojavljuju i u našem okruženju i da imamo dosta bolesnih porodica koje ne mogu pružiti djeci adekvatan odgoj. Također se slaže da se pokrene i održi edukacija kako djece tako i njihovih roditelja.

Vijećnik Beširević Midhat ukazao je na problem otvaranja objekata za pušenje „nargile“ koje se nalaze u blizini škole kao i da se dosta roditelja javlja sa pitanjem šta uraditi po ovom pitanju. Ističe da se stvara ovisnost djece kada je ovo u pitanju.

Vijećnik Sirotanović Arif predlaže da se obrati pažnja kod prodaje alkohola maloljetnim licima kao i ulazak u kladionice od strane maloljetnih lica.

Ad 12.

Razmatranje i usvajanje Zaključka o davanju saglasnosti Općinskom načelniku o uplati doprinosa za penziono invalidsko osiguranje po zahtjevu bivših radnika javnog preduzeća „Breza promet“

Predsjedavajući Općinskog vijeća dao je na glasanje:

ZAKLJUČAK

I

Odobrava se isplata novčanih sredstava na teret sredstava Budžeta Općine Breza na ime neizmirenih obaveza po osnovu doprinosa za penzijsko i invalidsko osiguranje za bivše radnike JP BREZA-PROMET d.o.o. Breza, a sve po Zapisniku o utvrđenom iznosu neuplaćenih doprinosa za penzijsko i invalidsko osiguranje Federalnog zavoda penzijsko-invalidskog osiguranja, Kantonalna administrativna služba Zenica broj FZ097-0001-62/14K od 22.04.2018. godine, za kontrolisani period od 1996. do 2006. godine, u ukupnom iznosu od 60.808,48 KM, i to po godinama kako slijedi:

1998. godina	4.507,63 KM
1999. godina	9.323,64 KM
2000. godina	6.422,78 KM
2001. godina	6.648,74 KM
2002. godina	7.212,78 KM
2003. godina	7.718,42 KM
2004. godina	6.746,98 KM
2005. godina	6.492,55 KM
2006. godina	5.734,96 KM

Utvrđuje se da će se gore navedena sredstva izmirivati sukcesivno i po eventualnom pristizanju osnovanih zahtjeva za uplati doprinosa za penzijsko i invalidsko osiguranje bivših radnika JP BREZA-PROMET d.o.o. Breza, najviše do ukupnog iznosa sredstava utvrđenog u članu (1) ovog Zaključka, a na teret sredstava Budžeta Općine Breza.

II

Za realizaciju Zaključka zadužuju se Općinski načelnik sa Službom za finansije, inspekcijske poslove i opću upravu Općine Breza.

Nakon provedenog postupka glasanja konstatovano da je isti usvojen jednoglasno sa 16 glasova ZA.

Predsjedavajući Općinskog vijeća je uputio čestitke građanima Breze i prisutnim za nastupajuće novogodišnje praznike.

Ovim je iscrpljen dnevni red dvadesetpete redovne sjednice Općinskog vijeća Breza, koja je sa radom završila u 19,40 sati.

Sastavni dio ovog zapisnika čini i tonski zapis sjednice.

ZAPISNIK SAČINILA
Zakira Smailbegović

PREDSJEDAVAJUĆI
Općinskog vijeća
Jusić Vedad